

卷之三十一
卷之三十一
卷之三十一
圖三十一

於繙草卯孟採
寔賢講舍用靈
巖山館本重雕

長安志序

太常博士充集賢校理崇文院檢討同知丞事趙彥若撰
雍之爲都涉三代歷漢唐之全盛世統屢更累起相襲神靈所
儲事變叢巨宜其較然有明冊大典暴天下耳目而圖牒殘脫
宿老無傳求諸故志唯韋氏所記爲一時見書遺文古事悉散
入他說班班梗槩不可復完非好學深思博物善作孰能盡收
其軼而追成之長安志者今史官諫議大夫龍圖閣直學士常
山公所定著也公以文章世家爲朝廷名臣兢業之餘紀述自
命蓋考論都邑網羅舊聞詞人所銳精而載筆之尤務也近代
建國率繇西遷崤函之區陶冶浚洛實上游要會最重之地而
彫毀零落寢就堙沒將無以自振校之本末先後二京已錄固

長安志序

一

不得獨闕於此前在河南旁接三輔嘗有意於搜采矣然猶未
遑暇又踰二紀乃扞屬體緒續次其言窮傳記諸子鈔類之語
絕編斷簡靡不總萃隱括而究極之上下浹通爲二十卷用備
舊都古今之制俾其風灑光塵有以奮於永久故夫府縣有政
官尹有職河渠關塞有利病皆干於治而施於用取諸地記集
而讀之而後見其法敘列往躅遠者謹嚴而簡近者周密而詳
各有所因革規模猶親處其世畫里陌同經行之熟而後見其
功自本而推始終大略其所昭發又不特如是而已竊嘗望丹
鳳門故趾勢侔碣石疑非人力所爲自想當時真偉觀也及驗
未央建章殿當宮闕之俊則其繁夥宏廓氣象飛動過大明遠
甚以漢室之隆兼制夷夏非壯麗無以重威亦可信也復上觀

於周惟有鎬京靈臺辟雍明堂豐宮詩所謂經始勿亟庶民子
來又稱自西自東自南自北無思不服昔之與眾同樂遂物之
性所以致之之効乃能至於此乎察其故專尙簡易儉約會不
言形勝強富益知仁義之尊道德之貴彼阻固雄豪皆生於不
足漢唐之迹更爲可羞烏乎盛夫若然得以貢於明朝監千載
餘敝修豐鎬故事以澤吾人豈曰小補哉

熙寧九年二月五日謹序

新校正長安志序

秋帆先生撫陝陝故長安也按得宋敏求長安志二十卷校正刻之附以圖三卷問序於予予向求此書未獲今始一讀焉既卒業作而歎曰美哉先生才之大而思之深超出乎流俗絕遠也周禮天官司會掌國之官府郊野縣都之百物凡在書契版圖者之貳司書掌土地之圖以周知入出百物地官大司徒掌建邦之土地之圖與其人民之數以天下土地之圖周知九州地域廣輪之數辨其山林川澤丘陵墳衍原隰之名物土訓掌道地圖以詔地事誦訓掌道方志以詔觀事夏官職方氏掌天下之圖以掌天下之地然則欲知輿地必藉圖志周公已言之章章明矣蕭何入秦先收圖書所以具知天下阨塞戶口多少

長安志序

三

疆弱民所疾苦蓋儒者不出戶庭而能周知方域此讀書之所以可貴也以此蒞政則能先時豫籌因地制宜恢恢乎游刃有餘焉可見圖志之裨益於政事似緩而實急夫豈俗吏所知哉唐以前地志存者寥寥宋元人作存者不下二十餘然皆南方之書北方惟有此志與于欽齊乘耳而長安漢唐都邑所在事蹟尤夥紀載尤宜加詳宋氏此編綱條明析瞻而不穢可云具體厥後程大昌雍錄好發新論穿鑿支離不及宋氏遠矣先生既刻此又於其間糾正踏駁疏釋蒙滯附於逐條之下焉夫以軍民政務之填委文檄簿牘之旁午他人竭蹶應之日不暇給先生乃能以餘力表揚墜典斯其才之大誠有過人者若其靜察乎攷古之足以證今披圖案牒以興革利弊其補助化理最

切則尤先生用意之深也先生本名儒爲文學侍從臣出掌封
圻治績茂異固宜卓識之度越流俗絕遠與圖每卷署河濱漁
者實出元李好文撰古人地志必與圖俱司會司書等職所謂
版圖地圖者此物此志也先生彙訂以傳亦猶土訓誦訓之道
地圖道方志云爾

乾隆五十有二年歲次丁未季秋之月嘉定王鳴盛西莊氏再
拜謹撰時年六十有六

長安志圖卷上

河濱漁者編類圖說

前進士頌陽張敏同校正

兵部侍郎兼都察院右副都御史巡撫陝西西安等處地方管理軍務兼理糧餉欽此

卷上目錄

漢三輔圖

奉元州縣圖

太華圖

漢故長安城圖

唐宮城坊市總圖

唐禁苑圖

唐大明宮圖

唐宮圖

唐皇城圖

唐京城坊市圖

唐城市制度圖

奉元城圖

城南名勝古迹圖

唐驪山宮圖

長安志圖卷上

漢三輔圖

散關




前漢京兆尹縣十
 二左馮翊縣二十
 四右扶風縣二十
 一後漢併省不同
 三輔漢初因秦舊
 名內史尋又分左
 右至太初已後遂
 更之皆治長安城
 中長吏各在其縣
 光武東都之後扶
 風出治槐里馮翊
 出治高陵


崑崙松
 細辛坪
 黑龍潭
 肥遺穴
 古岳廟
 白蓮池
 太乙池
 八卦池
 蓮華峰

太華圖





長安志圖卷上






長安志圖卷上

唐大明宮圖
 東內苑附
 大明宮城廣二里百
 四十八步縱四里九
 十五步
 東內苑廣二百五十
 步



唐宮城圖



外有十殿四門皆不知其處

崇政殿

宣秋宮門

宣春宮

門外有命婦院典膳廚有左春坊右春坊內坊崇教殿內坊南有崇文館

明德殿

奉化門

嘉德門

奉義門

右永福門

左永福門

永春門

史館

恭禮門

通訓門

宏文館

門下省


廣運門

長樂門

長安志圖卷上

禁苑

城宮



北衙

凌霄門

迷門

元武門

武元殿

太液池

蓬萊殿

紫宸殿

宣政殿

宣政門

含元殿

丹鳳門

清殿

拾翠殿

金鸞殿

明義殿

光順門

昭慶門

崇德門

德殿


福建門

鳳樓閣

九仙門

西內苑

右銀臺門



圖制大概如此此外有殿閣池庭門闕四十餘名皆不詳處所不敢強為布置也



長安志圖卷上

城市制度

一坊

皇城南

居二坊地



市制四面皆市人居之中為二署蓋治市之官府也舊圖全畫坊市制度今間小不能記容別畫一坊之制以見其餘

之制

坊之制

四街八門

宮城東西四里南北二里二百七十步周十三里一百八十步

其崇三丈五尺掖庭宮廣一里

隋開皇三年六月詔規建制度先築宮城次築皇城次築外郭

城

皇城

亦曰子城

東西五里一百一十五步南北三里一百四十步南

北七街東西五街其間並列臺省寺衛承天門外有東西大街

南北廣三百步

限隔二城也

橫街之南有南北大街東西廣百步

朱即

雀門街

自兩漢以後都城並有人家在宮闕之間隋文帝以為不

便於事於是皇城之內惟列府寺不使雜居公私有辨風俗齊

整實隋文之新意也

外郭城東西一十八里一百一十五步南北一十五里一百七

十五步周六十七里其崇一丈八尺

唐外郭城東西南面各二門直十一街橫十四街當

皇城朱雀門曰朱雀街亦曰天門街南直明德門南北九里一

百七十五步縱十二街各廣百步許城之南橫街十各廣四十

七步皇城左右各橫街四三街各廣六十步一街直安福延喜門廣百步

夾城元宗以隆慶坊為興慶宮附外郭為複道自大明宮潛通

此宮及曲江芙蓉園又十宅皇子令中官押之於夾城起居西

長安志圖卷上

九

外郭廡

後宣宗於夾城南頭開便門自芙蓉園北入青龍寺俗號新開門杜牧之詩六龍南幸芙蓉苑十里飄香入夾

城謂此

坊市總一百一十區萬年長安以朱雀街為界街東五十四坊

及東市萬年領之街西五十四坊及西市長安領之皇城之東

盡東郭東西三坊皇城之西盡西郭東西三坊南北街一十四

坊象一年並閏每坊皆開四門中有十字街四出趣門皇城之

南東西四坊以象四時南北九坊取周禮王城九達之制其九

坊但開東西二門中有橫街而已蓋以在宮城正南不欲開北

街洩氣以衝城闕碁布櫛比街衢繩直自古帝京未之比也

城圖云皇城之南三十六坊各東西二門縱各三百五十步中

十八坊各廣三百五十步外十八坊各廣四百五十步皇城左

右共七十四坊各四門廣各六百五十步南六坊縱各五百五十步北六坊縱各四百步市居二坊之地方六百步面各二門四面街各廣百步

渠水一曰龍首渠自城東南導漚至長樂坡醜爲二渠一北流入苑一經通化門興慶宮由皇城入太極宮二曰永安渠導交水自大安坊西街入城北流入苑注渭三曰清明渠導坑水自大安坊東街入城由皇城入太極宮

呂氏曰隋氏設都雖不能盡循先王之法然畦分碁布閭巷皆中繩墨坊有墉墉有門連亡姦僞無所容足而朝廷宮寺門居市區不復相參亦一代之精制也唐人蒙之以爲治更數百年不能有改其功亦豈小哉隋文有國纔二十二年其剷除不廷

長安志圖卷上

十

者非一國興利後世者非一事大趣皆以惠民爲本躬決庶務未嘗逸豫雖古聖人夙興待旦殆無以過惜其不學無術故不能追三代之盛予因考證長安故圖

觀呂氏此言是圖之作其來尙矣

愛其制

度之密而勇於敢爲且傷唐人冒疾史氏沒其實聊記於後元豐三年五月五日龍圖閣待制知永興軍府事汲郡呂大防題京兆府戶曹參軍劉景陽案視并州觀察推官呂大臨檢定鄜州觀察友使石蒼舒書

跋語此圖舊有碑刻在京兆府公署兵後失之有雷德元完顏椿者訪得碑本訂補復完命工鉅梓附於長安志後壬子年中秋日谷口邳邦用跋

新城唐天祐元年匡國節度使韓建築時朱全忠遷昭宗于洛

毀長安宮室百司及民廬舍長安遂墟建遂去宮城又去外郭
 城重修子城即皇城也南閉朱雀門又閉延喜安福門北開元武門
 是為新城即今奉元路府治也城之制內外二重四門門各三重今存者
 惟二重內重其址尚在東又有小城二以為長安咸寧縣治所
 謹案長安京兆聖朝奄有天下初為京兆府後為安西路至大
 四年改奉元路中統元年立十路宣撫司置治於此改路不知何年三年立陝西四川行省至元七年改行尚書省九年改設王相府十七年罷王相府復立行中書省一十五年四川分省成都專立陝西行省二十八年立行御史臺於雲南大德元年移置陝西奉元

長安志圖卷上

奉元城圖

安西故宮

咸寧縣

太子府

九龍池

